

香蘇山館詩集

香蘇山館今體詩鈔卷十八

東鄉 吳嵩梁 蘭雪

道光十年二月十六日出牧黔西畱別中外諸公
冷宦浮沉二十年一官萬里送華顛粗才敢厭風塵苦
結習難消翰墨緣易玩陽明羅甸國詩尋太白夜郎天
清時許作親民吏翻愧遭逢勝昔賢

風沙莽莽出燕臺舊夢春明喚又迴一第未收羅隱淚
千金頻費長卿才慈烏反哺心終歉病鶴依人淚更哀
今日專城憂重寄迂疎何以報涓埃

師友平生賴琢磨盛名先後陟 鑾坡杜房守正心能

格韓范匡時鬢未皤幕府暫來依絳節旗亭有客唱黃
河飛花一例辭宮樹芳艸天涯別緒多

水西故事記奢香戈馬前朝百戰場金筑山橫雲慘綠
木瓜寨古月昏黃人才隨地堪培植邊患平時貴預防
但使吏胥無擾害峒丁溪女盡耕桑

巖小農河督新修太白樓邀同往觀雪甚不果

采石磯邊記泊舟錦袍明月溯江流此來旌節承華餞
重爲河山紀壯游綵筆題詩搖五岳金龜換醉感千秋
峭寒可惜分襟早風雪漫天未倚樓

雪晴見杏花感賦

綺陌春深柳色遙
新晴漸覺馬蹄驕
風光一倍增妍麗
紅杏枝頭雪未消

雙燕圖成寄日邊
寒閨韻事早流傳
穿花又聽紅襟語

似訴春愁已卅年

余舊有杏花雙燕圖

聽雨年年夢小樓
賣花聲裏憶前游
春風管領今無分

猶倚紅粧送白頭

辛未入都題壁云如今縱有簪花分
管領春風已白頭今又二十年矣

上林回首戀清華
帽影鞭絲日又斜
惆悵黔西春色晚

亂山紅徧刺梨花

陰平阻雨

十日陰平路江南
路更紆但教滋稼穡
何敢怨泥塗覆

轍憂仍陷羸驂怯再呼一燈容掃榻真欲夢江湖

清江道中

春光繡出雨餘天嫩綠新黃劇可憐楊柳低于村店樹
菜花嬌煞水鄉田園樂差喜無他患辛苦粗寬未了緣
明日挂帆風正好攜家重上渡江船

張芥航河督招集澹園次韻奉謝

車騎連翩出上京故人相見總心傾兩堤楊柳風初暖
三月桃花浪已平金戟狂歌容故態綠尊沉醉到深更
交情未許雲泥隔千里依然共月明

砥柱中流要此身勲名先屬濟時人主盟壇坫原餘緒

按部江淮又晚春才拙自愁難治劇官卑猶幸是親民
恩深已分酬無地旌節重煩送水濱

次韻答齊梅麓太守

曾陟蓬萊最上頭老爲循吏更何求墨衣君又遲三載
華髮吾方領一州風雨清明逢小泊金焦除夕話前游
蠻荒此去懷人苦詩夢還尋杜若洲

薊門回望幾踟躕犵鳥蠻花感索居鳳閣頭銜今已換
龍場宦味較何如遙知山水經行地似讀平生未見書
新句縱多酬唱少何人歲晚更華予

王竹嶼都轉招集題襟館話舊

黃河歸櫂艤家林病起朝天雪滿簪傳世早昌名父業
救時真有古人心桓寬著述流行久劉宴經綸倚畀深
煮海由來關大計盛衰回首一沾襟

江南連歲值偏災剜肉醫瘡事可哀賒米有時窮巧婦
點金無地試仙才綱船遞進催飛雪私販先除用疾雷
一介清嚴知不愧國家元氣望深培

三月廿五日紅橋內集

細雨連朝放嫩晴扁舟才上已身輕柳花夾岸吹成雪
猶有黃鸝百轉聲

吳霜兩鬢已蕭蕭連日看花負雅招不是金尊擎翠袖

老夫忘卻是生朝

十里紅橋蕩槩迴笙歌隱隱出樓臺
筆床茶具團欒坐
偏向遊人少處來

萬花搖影水微波紅淺紅深奈汝何
莫揀繁枝高處折
春光九十已無多

灩灩明漪照澹粧朱闌凭遍又斜陽
落花千點雙胡蝶
飛入羅衣分外香

詩情蘊藉畫清新點染湖山駐好春
難得鷗波傳韻事

蛾眉都是辦香人

謂陳蘋香許
定生兩女士

自題桃花庵雅壽圖許定生女士爲余初度作

風景依然廿四橋題襟舊事話

三朝看花恰載生辰酒聽月纔吹昨夜簫海外詩名金
肯鑄閨中畫意粉初調匡時華國都無分此福還疑不
易消

垂楊十里送斜暉陌上何妨緩緩歸紅雨畧沾羅袂溼
白鷗爭繞畫船飛湖山俊侶頻來熟閨閣清才似此稀
消得錦心能記誦還應傳繡勝弓衣

邗江雨發

萬荷花擁一扁舟白髮紅粧記昔游月落空江今夜雨
簫聲悽咽過楊州

攜家人游金焦二山

江山奇秀海天空杖履飄然著此翁下界帆檣飛鳥外
全家笑語白雲中八千里又分符去三十年前守歲同
舊有除夕詩艤棹暫來能選勝莫將身世感萍蓬

自然庵梅樹下同詩僧巨超話舊

江風海月幾黃昏舊事滄桑不可論惆悵自然庵外樹
梅龍化去復生孫

柴桑無地結茅關雲瀑年年夢想間蓮社故人俱白髮

重拈詩話寄廬山

是日出借庵詩鈔見示中有題余廬山紀游集七古一章別後所寄未及

也見

楊子堅邀游北固山

丹厓橫截大江還，吳楚青蒼夕照間。
貼水帆多如墜葉，浮空雲斷忽移山。
孫劉戰壘尋遺石，蘇米荒祠掩舊關。
今古烟波同浩蕩，此心惟許白鷗閒。

蔡柳堂明府招游南山八公洞蓮花洞及小九華
諸勝

萬竹深深一徑斜，仙人洞室闕煙霞。
窗臨澗壑頻移榻，天愛清和爲養花。
鴻寶修書疑此地，梅村斷碣入誰家。
蓮花洞舊有國初諸老題名碑，輸君治劇餘幽興攬勝猶能陟九華。

芙蓉湖感舊

著述名尊歲月閒風流曾許共追攀高文自定歸田錄

奏小峴少冠

奇句爭傳出塞還

洪稚存編修

泉土煮茶煙裊碧竹

枝題句雨畱斑平生執友凋零盡不忍迴船入惠山

梁茝林方伯屬題卜居圖卷

萬个修篁屋數椽逸妻稚子總神仙此間真許移家去
雞犬圖書共一船

百有十人題句滿卜居曾畫禹鴻臚吳中近事傳團扇
長樂新成第二圖

遙山如黛水如羅歸夢年年理釣蓑只恐濟川帆力飽
午橋風月爲誰多

梅花九里桐江曲煙水東西兩洞庭但許結鄰隨地好
仙山終日對門青

宣南詩社圖爲潘功甫作

論詩舊結城南社蹤跡頻年感斷蓬萬里徑遙雙槳去

五人猶喜一尊同

雲汀蒞林蘭坡君及余也

石銚有客貽坡老團扇

誰家畫放翁禪悅輸君恬退早天花丈室鬢絲風

萬沅雲司馬屬爲何水香明府題村居讀書圖卽

次卷中張雲裳女士韻

龍威祕笈就誰鈔魚憶清池鶴憶巢吟罷白雲來袖裏
夢迴明月上花梢簿書小暇堪娛酒山水中間想結茅

鄉思爲君增感觸煙簑風笛話牛均舊有牛均吹笛圖

柳貞烈祠

名依依字靈和拒賊絕粒而死吳玉松侍御倡建祠廟于半塘橋側

一死成奇節生天後未妨

扶鸞自序云余以性耽填詞未能卽登天界

縱傳

詞綺麗不礙鍊心腸洗硯春波綠餐花曉露香朝雲能

懺悔合與侍仙粧

神像作道粧子姬綠春小影附記龕中

題綠春小影

嘉慶十五年秋侍母歸里借寓虎邱抱病七十餘日綠姬上奉板輿下營

湯藥心力交瘁比余抵家而姬病已不起矣今以

赴官黔西道出吳下晤別家王松侍御爲述道光

六年冬姬以夢示守柳貞烈祠孫媼乞侍御繪其

小影挂于神像之側願依貞魄以懺前愆蓋祠爲

侍御倡建其室漱霞又與綠春最善撤姬所貽

畫蘭一幀爲供侍御爲姬作傳且謀刊石祠中邀

余往觀悲感交

集賦此紀之

侍養奉扁舟，園居借武邱。青山遺小影，白髮愴前游。
香艸鷗波館，寒燈燕子樓。貞魂容附託，妙墨亦千秋。

四月十九日泛香溪，由水瀆入靈巖，二十日過太湖，劉次白司馬邀同子堅游東洞庭，登莫釐峯，憩霏香閣，汲紫泉煮茗，晚集綠野堂，明日擬游西洞庭，雨甚不果，遂溯石湖而歸。

州里香溪路，扁舟昨夜開。月華明似水，山色嫩于苔。雲海寬如此，花時惜未來。筍輿穿萬綠，深處有樓臺。

菖蒲一潭水，籬落幾人家。爲屋多因樹，謀生倚種花。風

香聞笑語，土沃潤煙霞。卻笑青芝叟，頭銜老尙賒。

謂曾賓谷

丈

具區三萬頃照見館娃宮新黛遠山出曉粧明鏡中巖
花千樹雪水苻一溪風別業尙書舊憐才念此翁

謂畢公秋

帆

一夕靈巖雨漂花滿洞庭鷗心晴更喜龍氣午猶腥導
海窮源委尋山入杳冥奇峯七十二今爲故人青
四面臨空闊風濤撼石樓水黏天欲盡雲挾我俱浮足
底千帆出睂邊一鷺投平生湖海客冠絕此清游
小閣湖光裏玲瓏萬竹深卻將高曠目收入妙明心泉
紫尙堪汲藥香何處尋晚來嵐氣重濃翠欲霑襟

肩記洪厓拍包山舊徑諳峯尖飛海水洞底結雲龕樓
閣千層換人天一念參世緣應掃盡然炬與窮探
莫釐登絕頂縹渺望煙鬟一雨孤筇卧西峯盡日閒書
藏林屋洞榻借石公山此約終須踐花天日往還
迴櫂洞庭晚艸堂尋石湖盛名資燮理詩夢狎菰蒲定
水常空澈閒雲自卷舒不知姜白石曾此唱酬無

慕李軒

萬古謫仙才青天酒一杯白蘇原後輩杜老昔追陪綵
筆當花舞宮袍泛月迴夜郎樓百尺有客更低徊

有謫
仙樓

遵義
府今

舟發杭州寄謝劉筠圃中丞李春湖督學成蘭生
太守徐星谿都督湯雨生參戎

一聲玉笛暮江聞
翰墨橫飛酒半醺
花裏行厨嚴僕射
月中仙櫂謝將軍
雄談笑脫龍泉贈
高義同邀鶴俸分
轉怪挂帆風太利
兩峯已隔萬重雲

桐江

微雨纔收薄霽初
歌聲嫋嫋過桐廬
半帆明月行吹笛
一枕青山卧讀書
泛宅重來攜婦孺
比鄰何日結樵漁
海東爲我傳圖畫
只恐清深畫不如

拜墓

四十年前失怙兒平生教養母兼師五年就養嗟何補
一檄專城恨太遲清白家風庭誥在痾癢心事部民知
顯揚終賴

君恩厚願勒瀧岡表墓碑

上吳見樓中丞兼呈岳松亭方伯劉訥庵廉使廖
玉甫李星園兩觀察

南臺尊獨座出領大中丞

天語痾癢切臣心感勵增下車聞雪涕行部表風棱第
一規羣牧因循故習懲

大賢同執政一體矢清勤劇邑皆能吏官書豈具文救

生持幕議言事誤風聞

幕中主救生不救死之議故失出者多御史近言辨會匪過嚴

幸邀宸鑒亦賴公始終能持定力耳

願協諸公力廉平答

聖君

楚粵比鄰地虔州悍俗成殺人看似戲謀劫倚爲生失
出多冤獄先幾剪亂萌養癰貽禍久及此一澄清

樂土多豐歲征輸敢抗延法因胥吏壞官失勸懲權積
負希

恩貸流民徙薄田催科兼撫字終賴有司賢

水驛逋逃藪行人有戒心鳴官資一笑參賊動千金鼠
竊尋常事狼貪叵測深此曹容漏網滋蔓及山林

離綱關大計根本在楊州連歲仍虧課諸商敢效尤緝

私先自靖

商船夾帶者多故私梟益恣

恤竈免他求

場鹽一出卽爲收買則透漏亦

少早晚渠魁獲中朝釋隱憂

漕事東南亟頻年羽檄催疲丁方告急廉吏亦需才改

折吾鄉便浮收下戶猜湖河資灌運萬櫓及春開

紫禁追陪久蒼生疾苦諳大臣公不愧下吏我猶堪桑

梓關心切芻蕘末議參懷知餘別淚霑灑到書函

呈程松亭學使

理學推前哲文章溯大家淵源同里盛館閣勝朝誇古道終須復人才近可嗟論詩雖小技亦願斥輕華

簡方彥和太守

雄繁推首郡入地貴相須家法連圻重天才與眾殊持
身先表率剔弊盡根株早晚移旌節還能借寇無

李潤堂勳伯招飲賦謝

急雨瀉簷聲銀河快洗兵一尊開幕府萬里赴邊城鬼
國堪爲政天山待勒銘酒酣看贈劍奇氣尙縱橫

永新武小谷大令枉過舟中賦此爲別

家學會傳五袴歌年來心力困催科誰教胥隸徵求急
翻令閭閻積負多棋到殘枰窮妙算藥無仙艸救沉疴
一官我又投荒去先爲疲氓喚奈何

臨江裴端齋太守七旬初度以天台萬年藤杖爲
壽

堂前池水似心清公後蓮花二日生學自庭趨諳治體
官因

睿賞得詩名籌邊早授黃金印乞養終調白玉笙勲業
卽看承晉國

四朝三世荷 恩榮

山臨閣皂卽蓬萊一水袁江許溯洄我佛欣逢降生日
眞仙原有濟時才十三高弟傳衣鉢百四耆民奉酒杯
願獻紅藤持作杖劉郎手種自天台

自臨江至袁州山水頗佳

袁江三百曲一曲幾重灘水碓無人轉松陰盡日寒鷺
飛投遠樹魚戲聚澄瀾林壑藏幽折推篷與細看
百丈搖搖日半程細沙文石漾空明逆流未得東風便
且爲看山緩緩行

又一村話舊呈康蘭臯中丞

離緒如雲一笑寬下僚猶作故人看移尊重覓花村醉
對雨憑添水榭寒經國文章揮手易救時勲業稱心難
蒼生海內需膏澤未許珊瑚拂釣竿

河聲嶽色壯游閒總角論交鬢已斑投老一官辭鳳闕

攜家萬里入烏蠻嚴裝未辦叨分俸宦味初嘗願買山
見說長卿猶健在夢攜詩卷欵柴關

謂劉君松嵐

呈裕餘山方伯

經國才高

聖主知薌香真悔見公遲手栽紅藥畱佳話

公爲內心閣前輩

賞青蓮誦小詩

李海帆觀察爲公屢誦拙作

湘水涵秋尋賈宅嶽雲

銷霽拜韓祠憐才講學千秋事到處江山與護持

玉樹亭亭始及肩已看筆下掃雲煙神駒心壯輕千里

雛鳳聲清徹九天似此人才真國器由來忠孝本家傳

使輶異日迎旄節應記荷衣出拜年

公子能詩年甫十三

六月十日四男以昀病歿長沙行館葬于瀏陽門

外阿彌嶺哭以送之

汝兄亡九月以汝母有遺哀見汝差無恙沉憂或暫開
蒼天何太酷玉樹竟連摧魂魄如相念多應聚夜臺
塊肉沉埋地全家永訣時何堪風燭歲又失掌珠兒九
死猶吾戀重來未可知湘南芳草徧畱此斷腸碑

夢中得絕句內子解爲以昭以昀重生之兆漫錄
于此

三徑重來悟昨非綠陰如水燕雙歸誰知半死梧桐樹
依舊參天大十圍

桃源洞

沅水南流曲秦人深處家耕桑無賦稅寢食有煙霞盛
世誰高蹈幽尋且釣槎仙鄰容早結繞屋種桃花

夷望山

俗名穿石

危峯矜獨秀巨石訝中穿俯瞰長江水深藏古洞天攀
躋窮杖履吐納自雲煙此地宜真隱曾無姓字傳

明月庵

一庵臨絕頂明月望迢迢嵐氣千重合湖光萬頃搖夜
深聞鶴唳雲上有人招便擬乘風去蓬山久寂寥

綠蘿山

推蓬江色曉一櫂入煙霏
磴路皆香草山家在翠微
鷺鷥臨水立胡蝶近人飛
物我相忘久勞生願息機

懸厓蘭花盛開折枝爲翫

開落空山裏幽蘭亦自傷
我來頻倚櫂風過忽聞香
采佩嗟何晚移根遠不妨
從今選詩夢夜夜入沅湘

舟行峽中聞灘聲甚壯

水急行愈緩山窮路又迴
似穿三峽出爭送萬峯來
赤日飛狂雪青天轉怒雷
猿啼在何處隔樹有餘哀

周湘臯大守屬題文衡山自書西山雜詠橫卷

待詔聲名久風流見一斑
高情游物外妙墨落人間
法

界青蓮湧鄉心白鳥閒

卷中有十里青山行盡裏雙飛白鳥似江南之句

詩成

應自畫微雨溼春山

翠輦輕行地香山昔屢過寶珠

洞名

秋色迴潭柘

寺名

夜泉

多舊句災梨棗閒踪寄薜蘿因君念同社卜隱愧蹉跎

余與法梧門楊蓉裳謝薊泉曾賓谷諸公先後同游西山刻詩二卷且有約卜鄰山中惜未能踐

挂帆

怒濤澎湃石嵯峨日日灘聲阻礙多一挂風帆三百里

湘夫人與補蹉跎

鷓鴣灘

萬山東水灘聲壯一水穿山峽勢奇畦徑別開元柳記

波瀾全入杜韓詩
魚龍得氣驕猶戰
鷗鷺忘機險不知
畱取布帆無恙在
逆流會有順風時

黔陽

巖屋玲瓏磻路斜
晶晶曉日射銀沙
鴨頭綠染連江水
龍爪^{花名}紅燒夾岸花
冷宦廿年難報國
扁舟萬里且浮家
月明昨就蘆碕泊
曾泛南湖夢裏槎

沅陵舟中雜詠

奇礪無數捲驚瀾
冰雪雷霆夏亦寒
見說危灘三百六
不知今過幾重灘

亂泉聲裏聽淙潺
細石平沙又幾灣
一過黔陽灘漸少

三才集卷之二
緩搖柔櫓看西山

啼鳥一聲何處尋
洞扉隱約在雲林
曉來衣袖露都溼
始悟仙山積翠深

山如睂黛水如羅
款乃聲中一櫂過
日暮煙深花窈窕
更無人見倚湘娥

二西山

此亦琅嬛洞
龍威有祕書
豈因憂患始
遂使典墳疎
老學庵猶在
名山願恐虛
玉田真可種
合與帶經鋤

榆樹灣

江濤激山骨
奇峭出空靈
古洞穿雲紫
懸厓插水青
樹

深巢翡翠沙暖立蜻蜓日暮棲巖曲風泉亦可聽

文德關

白雲深擁碧孱顏形勝爭推第一關千里縱橫連漢水
萬峯蒼莽接滇山奇才自古須澄鍊定力終能濟險艱
從此致身霄漢近來經怪石怒濤間

重安江

重安江口路縱橫茅店荒寒睡未成惡箐影邊山萬疊
亂蛩聲裏月三更村農歲熟觀收穫戍卒身間管送迎
此是前朝攻戰地腐儒何幸值昇平

魚梁江

翠壁丹崖與動搖銀龍飛舞下層霄東當巨峽聲逾怒
收入長江氣尙驕涿口來灘行路險黃巖飛瀑故山遙
江村今夜尋詩夢萬壑松濤撼石橋

鎮遠得伊莘農中丞書卻寄

韓孟交深廿載餘雲龍上下愧何如一官纔領風塵味
萬里遙傳慰藉書粟未填倉先患鼠釣方畫水已驚魚
痼癢心切箴規厚結習平生願掃除

鉅公胸次海天寬餘事猶將雅頌探一品集成公不朽

千秋論定我何堪西湖已作埋詩冢東國新傳鑄佛龕

從此雞林增掌故拈花妙諦又同參

公詩舊焚其稿于杭州近集又爲朝

鮮使臣借鈔未還尚梁深自引咎然
燕許著作從此海外流傳亦佳話也

嵩曼士中丞艸堂讀易圖

掃地焚香百累除周情孔思妙何如躬行謙豫徵无咎
理括乾坤悟有餘萬里風雷大經濟四時花月小盈虛
藝林枉自誇奇博誰似先生善讀書

鄂雲浦方伯徐詠之廉使郎蘇門于蓮艇兩觀察 招集扶風山謁王文成公祠

仙雲如蓋擁旌旗竹裏行廚到未遲晚葉飄紅投玉砌
遙嵐潑翠入金卮同來石秀泉清地恰值民和歲稔時
一瓣心香依俎豆陽明遺像有專祠

濟世功成溯本源良知培養此心存權璫氣懾昌言早
驛吏名因學道尊秋筍分行如弟子眾峯羅拜卽兒孫
俊游許繼羣公後風浴平生敢共論

白燕次韻高鏡霞明府

仙夢投懷不易尋瓊樓高處嫩寒侵梨花亂入春無影
柳絮輕捎畫有陰掠水依然畱本色啣泥未肯負初心
歸求故壘多相識惆悵曾題白社襟

鳳池鴛掖忍輕違生計誰憐飲啄微玉剪穿花驚一見
珠簾捲雨愛雙飛分無紫領封侯相先浣縉塵倦客衣
敢以繁華忘澹泊家風清白舊柴扉

述懷

宦味清甘水一杯
痾癢無補亦堪哀
流民失業逋應重
積案如山掃未開
投老久銷名士氣
救時終乏古人才
城東頗有佳林壑
爭得閒身載酒來

雪中游東山寺

心跡年來冷似冰
游山健步老猶能
踏開銀海三千頃
飛上瑤臺第一層
繁杏勒春紅未坼
修篁壓凍翠難勝
眾香管領幽棲穩
輸與梅花樹下僧

繞郭羣峯擁玉屏
春風吹面酒爲醒
千花掠水皆飛白
十栢參天半隱青
山閣扶筇身入畫
宦游如海鬢俱星

前生我豈雲堂客丙戌因緣記此亭

亭爲乾隆丙戌建
余于是歲甫生

再用前韻答何天爵明經

頭銜已換一條冰經術匡時愧未能放眼欲窮無盡處
置身須在最高層行披鶴氅吟偏緩割用牛刀笑不勝
誰信松庭寒似水老夫眞作在家僧

卅載詩名上御屏梅花紙帳夢初醒雲中瀑布飛騰下
雪後春山斷續青芳草天涯催綺節故人海內感晨星
願求吏事多清暇豐樂明年更有亭

修花館三十初度

十五年前駕六萌掌中飛燕最身輕鉛華淨掃畱風韻

疏水常甘識性情花是素心開並帶樹知連理兆重生
清才麗質能偕老肯讓鷗波享盛名

州解後卽獅山舊有艸亭可以觀稼

官閣如村舍開門卽後山緩行紅樹下深坐翠微間谷
暖羣鶯出田平一鷺閒遙觀荷鋤者日暮踏歌還

雨後踏青至西門橋有石厓臨水地甚平曠敷坐
其間兩岸雜花盛開爛若錦繡顧而樂之

孤城懸絕徼莽莽萬重山此地真平遠余心亦曠閒灘
聲新漲後嵐翠曉晴間一雨扶犁活鳥犍自往還
桃塢紅成海梨莊白照天一灣芳艸路十畝菜花田詩

和惟彭澤圖成卽輞川歸耕吾未果惆悵聽啼鶻

近郭同張生子佩閒步

山城路僻野田通閒著青鞋踐落紅乳燕流鶯千樹裏
錦天繡地萬花中民情漸喜安吾拙春色平分與眾同
聽說連朝新雨透村氓先爲報年豐

睡起

微雨初收日又斜園扉靜掩似山家老夫睡起渾無緒
閒看游絲網落花

龍場課耕

簿書錢穀只尋常一領專城鬢已霜講學未能培俊乂

調民先與課農桑
煙村紅杏花明麗
雪圃青菰菜晚香
慙愧篠簹迎送遠
旌旗半捲出龍場

敦義里勘獄

峯巒重叠路坡陀
瘦馬淩兢冒險過
土屋丁單防失盜
山田地瘠畏催科
片言折獄談何易
判牘淹旬咎已多
只願漢夷爭訟少
蘆笙跳舞卽絃歌

三男以晟正月廿九日病歿黔西官舍二月十三日
余自遵義歸葬于東山詩以志慟

虎兒墮地氣縱橫
娛老初心望早成
萬里提攜來絕徼
六年啼笑畢今生
人間泡影余夫婦
地下團圞汝弟兄

謂以昭 白髮無多腸寸斷梨花麥飯哭清明

汝病沉綿已四旬藥煙燈影對酸辛誰知雪裏狂游日

在遭義雪中 已是床前永訣人仙藥廣求方尙在奇花

驟落識偏真兒裁並蒂蘭未開而落 再來台踐延年約採取金環

記夙因

金惕庵太守解組訪桃源圖

堅城五月守南籠

宸翰榮褒捍衛功獨立威名荒徼外誰能勇退急流中

二千石領諸侯長三十年餘兩袖風白襪青鞋紅樹底

篠簜猶認舊文翁

茅屋三椽翠蔓遮出山我亦負煙霞置田未踐東坡約
漉酒先尋靖節家人海藏身真芥子仙源隨地有桃花
黔南小築容偕隱願卸風帆上釣槎

州民羅國富妻夏氏一產三男賦詩紀瑞

慶雲連日護茅庵湯餅重闌笑語酬大衍今年符
萬壽孿生此地得三男人才盛出栽培厚

聖澤醲知化育參撫宇自慙爲政拙螽斯佳詠補周南
六月二十四日爲荷花生辰曩在京師必有勝集
今展張茶農明府畫圖及法時帆學士曾賓谷
中丞諸公唱和詩卷爲之慨然

尋詩記共李西涯積水潭邊賣酒家

潭在淨業湖與懷麓堂近

故我

頭銜廬博士今年生日負荷花笛聲十里風初轉鷗夢
三更月未斜安得鑑湖真管領縱游重與借漁槎

空桐樹曉發

連山積氣曉濛濛涇翠浮嵐遠近同萬斛珠傾荷葉雨
千畦香泛稻花風變生村舍徵人瑞州民有一泥飲田
家卜歲豐案牘暫拋幽興發詩成多在笏輿中

寄答劉敘堂明經

三絕才名享太奢久依幕府便爲家紫薇深鎖頭廳樹
玉茗分貽手種花翰墨因緣如骨肉平生契合在煙霞

前身應是劉清叟醉月亭邊酒更餘

黔南花木雜詠

嫩朵繁枝劇可憐亂山深處馬蹄前水西已悔尋春晚

孤負青旗賣酒天

刺梨花

方謬曾傳解救飢秋深結子愛離離山中富貴人間少

紅綴珊瑚十萬枝

小珊瑚一名救軍糧

嶺海水棉紅十丈黔南小草亦風華人間衣被知多少

爭及吳孃手摘花

野棉花

江干黃竹大如椽半拂煙波半插天乞取一枝扶作杖

縱游五岳健于仙

筇竹杖

三換明粧態愈妍一江秋影照嬋娟晚花恰似寒閨女

嫁與西風又十年

芙蓉

金粟凌寒吐嫩黃小山容與又斜陽異鄉見汝添根觸

家有滄熙一瓣香

桂花

風枝露葉十分秋花瓣離披曉未收照水一叢真絕艷

鏡中龍女看梳頭

龍爪花

孤立亭亭瘦不禁秋光絢爛抵黃金寄人籬下休嫌老

向日猶傾一寸心

向日葵

翠微閣小集度霽虹橋觀鄂文端公紀功碑

甲秀樓前紫翠橫看山小酌愛初晴一筇人影隨雲影

千樹風聲答水聲離垢心空無罣礙濟時才大有勳名
西林鍊柱摩挲久且踏溪橋負手行

黔中雜詠次韵郎蘇門觀察

青天回首路漫漫出險方知入險難潔已何嘗非樂土
親民敢說是卑官杏花紅後風纔暖梅子黃時雨又寒
萬里嚴裝今已卸故人先與報平安

百雉居然列四墉好山圍住萬千重瀑泉濺樹晴仍溼
嵐翠霑衣曉更濃蝴蝶花開風栩栩鸕鷀船去水溶溶
出門便是尋山路棕竹攜來作杖筇

古木叢篁屋數間人家雞犬亦安閒方塘水近頻開堰

瘠土田多半墾山放繭客知今歲熟佩刀民化舊時頑
笛聲遙自松陰出知是村童放犢還

言語能通卽易親漢夷平等總吾民鹽多賒賣難求富
稅早輸官不畏貧椎髻踏歌聞卜夜蘆笙跳舞看行春
刺梨沿路花爭發紅徧山程更水津

匹馬蒼茫任所之古今憑眺入新詩人傳濟火能擒賊
我惜奢香未建祠萬里金錢煩轉餉九邊玉節守藩籬
戍兵高卧渾無事掃葉還將午飯炊

戰績銷沉故壘中伏波諸葛有遺風木瓜寨古凝煙紫
金筑山高落照紅馬市趁墟多午集兔園挾冊有冬烘

承平日久安耕讀拙宦何妨守困窮

三農齊慶屢豐年冰雹春融穀雨前酒咂竹筒酣飲地
裙栽花布嫩涼天雞埕自昔曾馳驛鶯粟從今莫種田
圍坐連朝聞笑語催租不到艸堂邊

沿畦細綴救軍糧豆莢瓜藤種未荒底事逢人誇白豕
依然祀竈有黃羊花苗舊俗誰跳月茅舍新年競插香
村女由來安朴陋平生不識繡羅裳

吏事原須戒苟安民情久閱念艱難雲非有意辭高岫
雷漸無聲下遠灘一徑穿林纔覓路萬峯圍寺久憑欄
山薑治譜分明在袖裏黔書與細看

願將撫字學陽城求泊曾無矯矯名循轍自然歸簡要
改絃何敢事紛更初心照水知猶在老眼看花愧未明
聖世作人逢 壽考雲門一奏萬方平

中秋月夜玉尺樓讌集

明月當頭酒滿杯花前白髮影低徊九霄湛露沾初重
萬里浮雲掃盡開金粟奇聲收晚節瓊樓絕調感仙才
誰知卅載風簷客曾看團欒二十回

十六日對月呈同考諸君

點綴何曾有片雲月華皎皎上秋雯清如理境無纖翳
圓比文心到十分水鏡神光原共澈霓裳仙樂願同聞

吳剛玉斧今衰鈍七寶修成合讓君

薦卷呈典試賈筠堂編修彭荷村中翰

簾櫳燈火夜沉沉辛苦披沙爲揀金神駿行空惟逸氣
焦桐被賞卽奇音丹砂九轉知誰手皓月三更鑒此心
自有文章司命在肯教獻璞淚霑襟

監臨紫筆

鎖闥丹桂十分開染翰從容對酒杯心跡雙清臨水月
指揮一定肅風雷芝泥印涇凝煙重薇省花高傍日栽
早晚禁城騎馬入鬱蔥佳氣自東來

主考墨筆

十載寒窗受汝磨簪毫纔許上
鸞坡拈來黑水香初
透惜比黃金用未多錦繡文章憑點定珊瑚鐵網費搜
羅硯池我亦分餘潤毛穎雖封奈老何

同考藍筆

采取終朝不厭煩霜毫圓蘸水天痕關疑擁雪人難到
田已生煙玉早溫脫白可能占契合出青從此溯淵源
明年柳汁宮袍染知己應酬九烈恩

謄錄朱筆

傭書腕力倦難投文字三場次第收十指旋風忙徹夜
一枝研露重垂秋換來墨卷先遮眼難得朱衣替點頭

亥豕魯魚多謬誤英雄應爲捉刀愁

對讀黃筆

書聲不似在鄰家千卷何容一句差校字誤多如掃葉
唱籌人苦勝量沙點金色取中央正題絹詞偏絕妙誇
卽看姓名標蕊榜移尊還就傲霜花

道光十一年辛卯

恩科鹿鳴宴恭紀

黃金花朵白銀杯

渥賜同霑綺席開詩奏九如諧

雅樂數逾八士萃英才

是科得士九人

鴛鸞

北闕懷仙侶桃

李東瀛記手栽

琉璃使臣向邦正揚
德昌等舊出門下

門下只今添玉筍

移根還望植蓬萊

香蘇山館今體詩鈔卷十八終

香蘇山館今體詩鈔卷十九

東鄉 吳嵩梁 蘭雪

孔荃溪方伯扣舷小草題詞

大塊有元氣長江無盡流三霄摩鉅筆萬里縱扁舟
影金山寺濤聲采石樓錦袍風月夜應共謫仙游
記泊潯陽郭曾經彭蠡湖白雲招五老翠黛掃雙姑
民俗因公厚嵐光似昔無會須移使節攬勝又匡廬

黃鶴樓前水滔滔下漢陽千帆鄖口暮一笛楚天涼
亮賓僚散周瑜戰壘荒遺芬畱屈宋蘭茝徧沅湘
巨浸湖天闊浮槎入洞庭水連三楚白山卧九疑青斑

竹餘哀怨湘絃出查冥夜深高唱發防有老龍聽
五溪雲水宿蒼翠轉逾深峭折疑無路空明鑑我心千
峯迷向背萬壑換晴陰洞口桃花滿仙源未可尋
古洞閤蒼烟玲瓏別有天剗空皆玉筍湧地一青蓮石
澗雲飛滴潭深月脇穿驪珠容採取妙悟合通禪
公詩有神助句法自天成獨以高風格能兼古性情迴
瀾收大海堅壁擁長城一洗箏琶耳黃鐘得正聲
冊載雕心腎耽吟亦性根飛仙知絕跡對佛敢稱尊山
水前游地風騷大匠門蘇齋香一瓣重與溯淵源

由雙樹至杜仲場

民事關心切勞生亦可嗟谿聲喧水石山氣雜烟霞路
仄多叢篠岩深見異花漸聞樵牧語洞口有人家

由戛木至樂貢里

一洞穿山出奔流觸岸迴嵐陰農潑黛灘響怒成雷笑
靨蠻花艷啼聲狔鳥哀似聞民俗悍撫馭必良才

紅杏山房內集

細雨清明信略遲嫩晴天氣乍開時春城爛漫花千樹
深院團圓酒一卮採取繁香蜂抱蕊蹴餘墜粉鳥爭枝
曲江今日紅成海管領東風讓阿誰

謂公車諸生

送曼士中丞入覲

黔靈山翠擁華筵親駐旌幢已七年民爲啣恩知繡佛
公因述職去朝天寒花香透探梅路瑞雪春銷種

麥田難得屢豐寬
聖慮宮鶯送喜五雲邊

花信風番廿四多夜郎春色被牂牁木牛方畧諳諸葛
銅柱威名鎮伏波飢雁給梁周比戶乖龍徙穴避開河
黃雲萬頃輸官早未許偏災損太和

武緯文經總緒餘草堂讀易會心初公有草堂讀易圖英才三

舍儲原厚廣厦千間庇不虛增書院膏火修葺貢院號舍石畫天成

收硯席新得石畫硯屏冰綃日展抵園居舊有不亦園圖連圻早晚

新綸出十乘隨行只載書

頻年判牘廢清吟
校士眞慙入藝林
花愛培根除積蠹
桐憐經爨賞奇音
分卑何敢稱強項
才拙先蒙諒苦心
爲切痼痕容懇直
受知還比受恩深

香海棠巢讌集

絳雪千重錦萬條
風香錯認水沉燒
再來杜老詩應補
前度劉郎恨已銷
奇豔合承金屋寵
宿醒還助玉環嬌
更闌未許花先睡
檀板清尊坐徹宵

琴香閣和詩附錄

萬朵千苞綴露條
樽前銀燭與高燒
香疑沉水風初過
紅愛嶸山雪未消
子固詩工應解悵
太眞舞罷不勝嬌

昌州佳話今重補花事年年記此宵

天生橋

丹厓翠壁已岿巍天與長虹卧作橋嵐氣濃蒸千嶂雨
灘聲怒捲九江湖神魚跋浪騰初出仙蝶穿花影忽遙
題柱相如今白髮壯懷萬里恐潛消

壬辰八月再充鄉試同考官賦呈當事諸公

廣寒宮闕大羅天管領秋光又隔年敢信文章關出處
暫拋案牘卽神仙使星迢遞層霄出卿月分明午夜圓
慙愧門牆佳士少一枝紅杏五雲邊

舊秋得士九人連捷者惟周生際雲

而已

中秋月夜衡鑒堂公讌

青天萬里湧冰輪
畫裏江山鏡裏人
一醉居然參末席
再來我欲悟前身
流雲漸吐圓仍舊
微雨初收洗更新
海內清明同此夜
瓊樓何地著纖塵

呈典試林

編修何雨人農部及監試劉春谷

太守

霜毫鄭重染雲藍
玉尺金針許細參
凡馬三千空冀北
奇花第一選江南
孤寒甄拔今應盡
辛苦平生我最諳
老眼幸無雲翳隔
月明依舊照空潭

掄才一例列冰銜
積卷如雲冗又芟
經術深時求渾樸

妙處極雕劖珠搜滄海光逾出玉種藍田價不凡
五十年來場屋淚初心何肯負青衫

次韻張小珊司馬兼呈執政諸公

一樓俯視萬峯遙積翠空濛接絳霄 北闕星輝迎使
節南樓月滿會賓僚冷香漸發飄金粟新句初成寫綠
蕉一曲霓裳傳唱出似聞天上嘯瓊簫

花裏金尊許共持東華舊侶寄相思疎簾捲雨開初霽
落日啣山隱半規坡老煎茶傳試院湘靈鼓瑟記仙詩
人才盛出栽培厚猶愛黔南俗未漓

朗鑒高懸眾妙收一枝健筆愛橫秋空羣有客能求驥

中肯何人喻解牛金戟隊成當後勁錦標奪取占前籌
蓬萊已擅三山勝要陟蓬萊最上頭

一第蹉跎感卅年青燈有味守陳編未除挂礙心非佛
能脫塵氛骨已仙造榜預占三日後捷書聞到五雲邊

是日甫聞
湖南奏凱

北堂永慕圖

夜雨梨花哭杜鵑五谿瘴水百蠻烟桐棺迢遞六千里
秋字酸辛四十年貞女撤環今白髮慈烏反哺已黃泉
餘哀我未忘風木何日瀧岡表墓阡

晚步

萬竹深無路幽尋午未迴翠禽時對語仙蝶爲誰來世
味從吾澹天年養不材耽吟猶結習晚步自低徊

呈協揆阮雲臺師

枚卜金甌望早孚綸扉新入贊鈞樞國家治理資調燮
經濟平生出典謨四海文章司命久

三朝倚畀受

恩殊富歐韓范皆青史良弼由來簡

太儒

六詔風雲按部還籌邊才大有餘間陽明講學收羣彥
諸葛宣威鎮百蠻花發唐梅潭上樹雪明金筑馬前山
嘉猷此去敷陳切荒服應無 聖慮關

文酒東華侍綺筵一尊許附大羅天龍門執贄多台輔
謂潘芝軒史望之兩尚書白小山鳳掖簪毫亦散仙手
侍郎廬厚山制府朱幹臣中丞版更呈新履
厯心香敢溯舊因緣瀛舟吟侶應相憶同
坐春風四十年

軍需火急比催科
老山空掩薜蘿
捧檄自知心計拙
攀轅翻愧士民多
微官誤踐三刀夢
豐歲欣聞五袴歌
寰宇昇平歸相業
散材何事感蹉跎

元旦侍芸臺師於安平行館賦呈

一夜東風換柳條
春旗暖拂曙光遙
黔中萬戶迎生佛
闕下千官會早朝
村樹烟和鶯舌嫩
山程雪盡馬蹄驕

民安歲稔同歡慶吉語何當及下僚

國恩未報鬢成絲民瘼關心補救遲敢以荔糲參末議
黔西產銷運繳六營自乾隆末年後嗣老山空越境采辦滋擾遂多官民兩累時欲議請各就近地分繳以除積弊已奉 檄撤任矣 畧將懷抱寫新詩安平昨寄平安信老大難酬大老知萬里陽春真有腳執鞭猶許暫追隨

寄內

臘鼓鼗鼗歲又過水西風景問如何誰言文史三冬足
尙欠屠蘇一盞多元日桃符看貼戶故山茅屋待牽蘿
寒閨卻喜添孫女料得團圓笑語和

移居

家具無多半載書小園荒寂稱幽居侵晨挂起南窗看
紅樹青山畫不如

看花雜詩

附郭園林一畝寬茅簷春霽鳥聲歡閒身自笑無拘束
但有花開卽往看

紙鷲搖曳正東風村店谿橋樹樹紅試上春城高處望
始知身在萬花中

李花開徧又桃花晴雪枝枝映曉霞中隔菜花田一段
鏤金錯采是誰家

紅杏梢頭破蕊先風光綺麗嫩晴天帽簷卻讓門生插

花事低徊四十年

謂周生際雲初成進士

玉蘭古樹記前朝

樹在虎邱傳爲宋人所植花時其曾白照天曾攜女郎豔粧讌游於此

倚紅粧聽洞簫今日俊游如斷夢尋香又過水西橋

緋桃紅淺絳桃深人面春風笑不禁爭似碧桃標韻勝

一枝照水有仙心

香國頻年許寄家海棠時節最清華平生宦味寒于水

第一難拋是此花

微雨廉纖爲洗粧青旗沾酒趁斜陽梨花一樹明於雪

詩夢吾懷舊草堂

余家舊有梨花詩夢草堂其額爲王夢樓太守書

臨水人家樹十圍午風香暖透羅衣折花驚起雙蝴蝶

陌上隨人緩緩歸

矮屋疎籬一徑諳折花盈握未嫌貪膽瓶已是無安處
亂插繁枝借酒壘

白髮尋春得幾回花陰小立踐蒼苔媽紅莫便吹成雨
拄杖明朝更一來

幽尋

案牘纔拋杖履輕幽尋一路踏莎行花開高樹紅過屋
雪擁遙山翠入城講學頻年培士氣去思今日驗民情
一犁新雨春田足愛聽茅檐笑語聲

平生託興在烟霞林麓循行又水涯白鳥飛來添柳色

青山缺處補桃花故人西掖同簪筆歸計南湖有釣槎
差喜地間堪養拙時將量移長寨同守一官如寄且浮家

子佩明經招飲卽以畱別

小徑泥融雨過初未妨著屐到階除歡承慈母容分膳
課督佳兒聽授書柳汁三年徵昨夢梨花一樹似吾廬
青箱合與窮根抵莫爲離羣感索居

金惠軒刺史招集香海棠巢賦謝

萬點新紅照綺疏海棠嬌睡午晴初酒邊未許調笙管
花下應嫌理簿書小閣霏香貪久坐東坡定惠徙新居
荒園亦有閒桃李管領春風愧不如

香風冉冉泛明霞銀燭重添翠幔遮一醉預支生日酒
再來如看故園花閒情自分銷應盡豔福翻愁享太奢
借得玉蘭吟舫住

君貴陽舊寓

君家笑認卽儂家

權貴陽同守赴長寨廳作

撫馭才疏治劇難量移差幸得間官城傾祖餞民情厚
地謝膏腴宦境寬松塢雲深方擁樹稻畦水淺不生瀾
焚香煮茗宜清暇卻媿詩人詠代檀

青衫雅稱白吟髭分守居然領八枝

廳分八里名曰八枝

花獐生

苗均參養土官世襲藉羈縻城臨奎閣占星建廩積軍
糈按月支聞說參戎勤肄武比鄰一爲駐旌麾

竹爲籬院土爲牆公廨蕭條似草堂兼領廣文因課士

廳無學官諸生成來請業

翻勞刺史替徵糧

秋糧歸鎮寧州代收

借書無地慚

孤學燒荀誰家許共嘗何陋小軒名字合謫居猶勝在

龍場

所居曰小何陋軒竊慕陽明先生遺跡

腳韉手版愧風埃大吏優容總愛才判牘敢辭精力盡

籌邊漸覺壯心灰塞翁失馬庸非福海客馴鷗久不猜

何日買山歸願遂故園花事半蒿萊

小何陋軒偶成

一畝荒寒地幽棲借養疴遠山欹枕見高柳出牆多屋

小蝸堪寄門閒雀可羅此間眞吏隱何用覓魚蓑

范園卽景

方塘平展碧玻瓈荷葉田田出未齊臨水低飛雙白鷺
隔花嬌囀一黃鸝遙嵐潑翠來城北小閣霏香憶水西
河岳壯游今已倦寄園偏愛此幽棲

園西池荷盛開侵曉往觀折枝而返

大葉高花水一方園西信步卽荷塘老夫拄杖侵晨出
風露全身透冷香

一畝全開一半開清芬豔影共低徊綠蜻蜓與黃蝴蝶
都爲尋花款款來

明月三更轉畫樓萬花深處記迴舟新詞傳唱江南徧

香齋詩集 卷三
舊日紅粧也白頭

淨業清游四十年樓臺回望五雲邊
枝官老作烏蠻客誰解金龜醉謫仙

博士前身夢有無俸錢曾領酒千壺
放翁歸計渾難定翻就人家乞鏡湖

日日幽尋興未闌驕陽一出便須還
折枝插向盆池裏老嬾還容坐卧看

中秋內集

華月清尊照白頭名園小住亦風流
花飄金粟來深院雲擁冰輪入畫樓
萬里一家同遠宦三年兩地各中秋

庚寅是日家人尙未抵人間天上今圓滿莫向姮娥訴
省辛卯壬辰皆在秋闈
旅愁

畱別長寨士民

聖澤如天被八荒邊隅次第習耕桑可憐火耨刀耕地
都是前朝舊戰場

貔貅隊裏一閒官悍役驕兵控馭難莫怪生苗多竊盜
豐年曾未免飢寒

戈戟塵封馬骨高營門終日卧旗旄籌邊要及昇平日
願與將軍講六韜

民瘼關心利害殊巨奸第一要先除誰知今日魚游釜

猶詫當年虎負嵎

泮水何人習豆籩
桂枝曾折廣寒天
瀕行一事畱餘憾
未與諸生置學田

八月二十八日還任黔西

司馬官閒借養疴
專城再領未蹉跎
事經盤錯心彌苦
民少追呼氣漸和
赤子投懷需乳哺
青衿比戶有絃歌
去年風雪攀轅地
檢點征袍淚尙多

蘆笙導擁筍輿前
本地風光勝別遷
新釀刺梨邀一醉

飽餐香稻愧三年

村民以刺梨酒
香稻米爲獻

陽城下考安吾拙

郭
汲重來信有緣
欲報恩知無寸補
初心敢負在山泉

陽明書院卽祠堂講學平生藝辦香曠世勳名推性理
諸羅俎豆始文章千峰繞檻堆寒黛十柏參天對老蒼
我本山中猿鶴侶歸依猶認舊門墻

嵐翠溪聲抱郭斜文筇到處有烟霞海棠待發明春樹
雛菊先開手種花九日登臨容攬勝一枝安穩又移家
隨身蓑笠應先辦詩夢年年上釣槎

重九後香海棠復開數枝花雖無多似爲主人而
發紀以小詩

紅葉青山帶白雲秋光依舊許平分海棠一樹花迎笑
先發奇香爲使君

孤負

領略山光又水光勝情孤負四重陽
屠牛自笑無游刃飼鶴居然有宿糧
霜月四更疑曉色露花三徑發寒香
誰知簿領叢中客猶爲尋詩繞曲廊

宦味

宦味年來劇苦辛未教機事損天真
暫歸止水魚龍靜同飽餘糧雀鼠馴
誰信出山仍故我翻憐壓線爲他人
青山紅樹容投老願與清時作幸民

郊行

驛柳岩花管送迎斜陽暖透夾衣輕
黃雲萬頃收纔了

愛聽連村打稻聲

雪中赴西城里

勞人纔自郡城歸斗室寒燈暫息機
急報又催輕騎出
六花沿路撲征衣

人海從容退步寬此心從未有波瀾
窮山深箐崎嶇路
只作瑤華世界看

村店迢遙阻去津三更東炬尙逡巡
布裘深坐猶嫌冷
多少窮簷卧雪人

白飯青蔬也自香行滕初卸便支床
黑甜一枕埋頭睡
夢覓梅花舊草堂

高塞勘獄

荀輿敲側下前坡
磴滑泥深險又過
一水橫流爭路出
四山亂石比人多
戶庭不幸生荆棘
梟獍安能脫網羅
慚媿革心無善政
獄成翻遣淚滂沱

甲午花朝州民舉文昌會燈火甚盛

火龍飛舞下星橋
鱗甲爭看赤燄燒
九里歡聲騰比戶
萬花怒發爲生朝
恩榮曾記金蓮撤
燮理深知玉燭調
誰道蠻荒風俗陋
奎文今夜徹層霄

訪奢香夫人墓

五朝封爵守邊隅
杖鏤銀鳩佩虎符
大譙椎牛開帥幕

高秋貢馬入皇都勲名繼起惟良玉方略同參有贖珠
巾幗豈徒兼智勇臣忠婦節古曾無

錦繖朝天劍拂霜殿前雪涕見高皇能消邊釁收都督
重戢軍心服夜郎九驛路開山失險一坏人拜土畱香
叢祠未建吾滋媿先泐貞砥字數行

述懷

簿書叢裏散衙遲偷得餘閒憇少時香海棠巢春載酒
墨梅花帳夢尋詩未完心事終須了虛領頭銜恐不宜
買取故山田一頃鹿車偕隱是前期

普門寺

地僻游蹤少，干旃此暫停。
歲荒官引咎，寺廢佛無靈。
一榻同雲卧，雙扉盡日扃。
村童知向學，吾欲與傳經。

香蘇山館今體詩鈔卷十九終

